

# Powšitkowne WOZJEWJENJA

njedźelu, 19. februara 2012

**Nětko tež za ministrantki a ministrantow 7. lětnika**

## **Prózdinske dny w Zakopanym**

Towarstwo Cyrila a Metoda (TCM) přewjedže za ministrantki a ministrantow tuchwilneho 7., 8. a 9. lětnika, kotřiž aktiwnje k wołtarnej słužba, prózdinske dny w Pólskej. Tutón dowol ma wot štwórtka do soboty, 9. do 18. awgusta, w měsće Zakopanym we Wysokich Tatrach być. Wšitke ministrantki a wšitcy ministranća mjenowaneje starobneje skupiny su k tomu wutrobnje přeprošeni. Budžemy pućować a so w přirodže Wysokich Tatrow wočerstwjeć. Pojědžemy wězo tež do bliskeho Krakowa, zo bychmy sej Wawel, Rynek a Wieliczku wobhladali. Dyrdomdejski budže zawěsće wulět do Słowakskeje, hdžež wočakuje was jězba na splawach.

Financowanie tutych džesać dnjow je sčěhowace: Starši měli na ministrantku abo ministranta 160 eurow zapłaćić. Darićel wjetšeje sumy, TCM, wosady a Założba za serbski lud prózdinski projekt podpěraja. Z tym su transport, přenocowanie, zastaranje, wšitke wulěty a zastupy zaručene.

Lube ministrantki a lubi ministranća, přizjewće so prošu hač do pónđzele, 13. februara, w redakciji Katolskeho Posoła, telefonowe čisło (0 35 91) 55 02 12 abo z mailku na [Katolski@Posol.de](mailto:Katolski@Posol.de). Wočakuja was woprawdže wotměnjace a wočerstwjeć dny. *Jurij Špitank, předsyda TCM*

## **Komplet**

W póstnym času su serbscy młodostni tydžensce na zhromadnu komplet w našich cyrkwjach přeprošeni. Přěnja wječorna chwalba – komplet – budže přichodnu sobotu, 25. februara, w 20 hodž. we Wotrowje.

## **Duchowna hudźba**

Prěni lětuši koncert w rjedže „Duchowna hudźba” budže njedźelu, 26. februara, we 18 hodž. w Budyskej cyrkwi Našeje lubeje Knjenje. Studenća cyrkwinskeje wysokeje šule a wysokeje šule za hudźbu Carl Maria von Weber z Drježdźan zanjesu twórby k pasionam wšelakich komponistow. Cyłkowny nawod chóra a hudźbnikow změje Feliks Brojer z Budyšina.

## **Zetkanje samostejacych**

Samostejacy ze serbskich wosadow kaž tež dalši zajimcy su srjedu, 14. měrca, w 14 hodž. do Domu biskopa Bena w Smochćicach přeprošeni. Zajimcy njech so hač do štwórtka, 8. měrca, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

## **Swobodne džělowe městno**

W Domje swjateho Jurja w Kamjencu poskićamy džělowe městno za přidatne hladanje a zastaranje wosebje dementnych wobydlerjow. Džělowy wobłuk je 20 hodžin na tydžeń. Mzdapłaći so po tarifje Carity. Zajimcy njech so přizjewja pisomnje abo telefonisce pod čisłom (0 35 78) 35 60. *W. Brězan*

## **Putniska jězba do Fatimy a Santiago de Compostela**

Wot pónđzele do pónđzele, 10. do 17. septembra, wotměje so putniska jězba do Portugal-skeje a Španiskeje. Putnicy wopytaja mjez druhim Lissabon, Fatimu a Porto kaž tež Santiago de Compostela a Cabo Finisterre. Dalše informacije poda a přizjewjenja přijimuje Matthias Hadank, z Hórkow, Sydlišćowy puć 2, telefonowe čisło (03 57 96) 9 40 37.

## Póstne seminary w Smochćicach

Hłowna tema lětušeho rjada zarjadowanjow póstneho seminarara w Domje biskopa Bena w Smochćicach rěka „Mać cyrkej, wótc stat: Kotry počah matej?“ Na přenich třoch póndželach póstneho časa wuhotuja wšelacy znaći referenća, kaž dr. Christoph Münchow, profesor dr. Dominik Burkard, propstowka Friederike von Kirchbach, profesor dr. Peter Stosiek, póstne seminary zaso z přednoškami. Přeni k temje „Wot kejžora Konstantina hač ke kejžorej Wilhelmej. Wažne mězniki w počahu mjez cyrkwu a rajchom w stawiznach po Konstantinskim přewróće“ budže póndželu, 27. februara. Tydzeń pozdžišo, 5. měrca, rěka tema „Mjez cyrkwiskim dawkom a nabožnej wučbu. Palace prašenja w počahu mjez statom a cyrkwu“. Třeći seminar póndželu, 12. měrca, změje temu „Na swěće, ale nic ze swěta. Křescenje a jich wizije“. K zakónčenju lětušich póstnych seminarow předstaji so sobotu, 17. měrca, w ewangelskej wosadnicy w Budyšinje film „Wo ludžoch a bohach“.

Wšitke zarjadowanja započnu so stajnje w 19.30 hodź. Mjez sobuzarjadowarjami seminarara je Towarstwo Cyrila a Metoda z.t. Wšitcy su wutrobnje přeprošeni.